



21-08-2018

UKA 2018/234

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

Piniakkat killilersukkat Tasiilami nunaqarfiinilu killilersorneqarunnaarnissaat anguniarlugu apeqquteqaat aallaavigalugu oqallisissiaq saqqummiuppara.

(Inatsisartunut ilaasortaq Jens Napaattoq, Partii Naleraq)

Tasiilami eqqaanilu nunaqarfinni nannuttassat 25-iusut upernarlualinnginnerani nannut takkusi-maarfianni pisassiissutigineqartut nungunneqartarput, kingunerisarlugu inoqarfiit eqqaani nannut angalaannalartarnerat innuttaasunut navialutsitsillutik.

Piniakkanik killilersukkat ilagivaat qilalukkat qernertat, qilalukkat qaqortat, ukiumut pisassiissutigineqartartut 16-iupput, aasakkut takkuteqqaarnerani pisassiissutit nungunneqartarput, piniartullu pisaqarumallutik siulliuniuttarput pisassiissutillu ingerlaannartumik nungunneqartarlutik. Tamanna ingerlatsineq akuersaaginnarsinnaanngilarput tunitsiveqarnikkummi kitaanitut tasiilami nunaqarfiinilu periarfissaqanngilagut.

Assersuuteqarusuppunga imak, §37 malillugu apeqquteqaammut akissummi allassimasumik:

“Pisassiissutit uumasogatigiit nungusaataanngitsumik piniarnermik aallaaveqartumik piniarneqamissaat aalajangersarneqartarput. Naalakkersuisut piniakkanik killilersukkanik uumasogatigiinnut ataatsinut immikkut ukiumut ataatsimut imaluunnllt ukiunut arlalinnut pisassllsutinik aalajangersaasarput uumassusilerisunit inassuteqaatit naapertorlugit. Aalajangersaanernut aamma nunani tamalaani isumaqatigiissutigineqarsimasut, pisuussutit piujuartinnissaat amerliartornissaallu siunertaralugu, uumassusilerisut siunnersuutaat, atuisut iisimasaat tamanullu tusarniaanerit tunngavilersuutigineqartarput. Qilalukkanut qernertanut nannunullu pisassiissutit uumasogatigiit nungusaataanngitsumik atuinermik aallaaveqartumik aalajangersarneqartarput.”

Taamaattumik isumaqarpunga kangiani piniartut amerlassusaat eqqarsaatigalugu pisassiissutaasartut annikippallaartut. Piniartortattami ukiuni arlaqalersuni tusartuartaapaat uumassusilerisut uumasoaqassutsimik kisitsinissaat tunumi ingerlanneqassasoq, kingornalu pisassiissutit amerlinissaat aamma tusartuarlugu, kinguneqanngitsumilli.

Piniartortagut pisassaarukkaangamik piniagassanik isiginnaaginnartunngornikuupput ilungersorluttillu. Qaquguuna inoqassutsit piniartoqassutsillu aallaavigalugit nammineerluta pisassii-salerniartugut? Assersuutigisinnaavara nannuttassat ukiumut qulinik ilaneqaraluarpata, aamma qilalukkat qernertat ukiumut pisassiissutit 80-nngoraluarpata uumasoaqassutsimut innarliigani Tasiilami nunaqarfiinilu innuttaasunut iluaqutaalluinnassagaluarpoq.



partii naleraq

Oqallilluarisa.